

Powšitkowne WOZJEWJENJA

njedźelu, 18. januara 2014

Historiske dopomnjenki a časowi swědkojo

W putniskej hospodže w Chróśćicach budže tutu njedźelu, 18. januara, w 17 hodź. wosebite zarjadowanje z historiskimi dopomnjenkami. Na spočatku pokaza Borbora Šoćina ze Žuric historiske serbske filmowe wurězki. W druhim džělu wječora póndže wo čas před 70 lětami – kónc Druheje swětoweje wójny. Kolesowy putnik Bernd Keller z Göttingena nadźija so, zo móhl so na tutym wječoru z časowymi swědkami rozmołwjeć.

Swjedzeń swjateho Bosćana w Chróśćicach

Předsydstwo Bratstwa swjateho Bosćana přeprošuje wšitkich na swjedzeń swjateho Bosćana wutoru, 20. januara, do Chróśćic. Bože mše budu w 6.45 hodź., 9.00 hodź. a 19.00 hodź. Swjedzenski nyšpor z procesionom po wsy je w 14.00 hodź. Po nyšporje změja čłonojo bratstwa na farje swoju hłownu zhromadźiznu. Wěriwi ze wšitkich serbskich wosadow su přeprošeni, do Bratstwa swjateho Bosćana zastupić. Štóż chce z čłonom bratstwa być, njech so hač do soboty, 17. januara, na Chróšćanskej farje přizjewi, telefonowe čisło (03 57 96) 8 04 00.

„Dobre činić, wjesoly być a wroblkam fifolić dać“

Pod hesłom swjateho Jana Boska „Dobre činić, wjesoly być a wroblkam fifolić dać“ přeprošuje Dekanatne dušepastyrstwo džěci 3. a 4. lětnika sobotu, 31. januara, wot 9 do 15 hodź. na zhromadny dzeń do Don Boskoweho domu we Worklecach. Zajimcy njech so prošu hač do póndžele, 26. januara, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja štyri eura.

Mandželske seminary

Lětuše terminy mandželskich seminarow w Smochčanskim Domje biskopa Bena su 20./21. februara, 13./14. měrca a 27./28. nowembra. Přizjewić měli so zajimcy pisomnje hač do póndžele, 26. januara, pola Dekanatneho dušepastyrstwa, Młynski puć 4, we 01920 Worklecach. Formularj k tomu móža sej w cyrkwjach sobu wzać.

Maćična akademija

Stawizniska sekcija Maćicy Serbskeje přeprošuje wšitkich zajimcow štwórtk, 22. januara, w 19.30 hodź. na přednošk do Budyskeho hosćenca „Wjelbik“ na Žitnej 7. Jurij Łušćanski, kulturnik a publicist z Budyšina, porěči k temje „Horst Šlosar – nimale pozabyty mišterski šuler Otta Dixy“. Přednošk budže w serbskej rěči, zastup je darmotny.

Wopominanje holocausta

27. januara před 70 lětami bu koncentraciske lěhwo Auschwitz wuswobodžene. 1996 bu tutón dzeń na iniciatiwu tehdyšeho zwjazkowego prezidenta Romana Herzoga oficialny wopomnjenski dzeń woporow nacionalsocializma, wot lěta 2005 tež Mjezynarodny wopomnjenski dzeń holocausta. Z tuteje přičiny přeprošuje Dom biskopa Bena w Smochčicach wutoru, 27. januara, w 19.30 hodź. k nyšporu na wopominanje holocausta do tamnišeje cyrkwe swjateho Bena.

Komedija w Njebjelčicach, Haslowje a Chróścicach

Dalše předstajenja komedije „Jedyn Šwjerčik přińdže zředka sam“ budžeja njedźelu, 18. januara, w Njebjelčanskej „Bjesadze“; njedźelu, 25. januara, w Haslowje a posledni raz njedźelu, 1. februara, na Krawčikec žurli w Chróścicach. Předstajenja započnu so stajnje w 16 hodž. Hrajerjo Chróšćanskeje dźiwadłoweje skupiny wšitkich wutrobnje přeprošuja.

Putniske jězby do Proveny, Roma a Fatimy

Lětuša putniska jězba z busom powjedže nas wot štwórtka do štwórtka, 14. do 21. meje, do Italskeje a Francoskeje. Mjez druhim wopytamy znate putniske město Les Saintes Maries de la Mer w Camargue. Pućowanski běrow A-Teams ze Šěrachowa organizuje putniskej jězby z lětařom wot njedźele do štwórtka, 19. do 23. apryla, do Roma a wot pjatka hač do pjatka, 11. do 18. septembra, do Santiaga de Compostela a Fatimy. Nadrobne informacije k tutym putniskim jězbam dóstanu zajimcy pod telefonowymaj čislomaj (01 63) 7 33 82 05 a (03 57 96) 9 54 28 (po 19 hodž.) abo pola mje w Hórkach, Sydlišćowy puć 2.

Maćij Hadank

Kubłanska jězba seniorow Serbskeho šulskeho towarstwa

Wuběrk Serbskeho šulskeho towarstwa (SŠT) za kubłanske jězby seniorow skedźbnja wšitkich člonow a dalšich zajimcow na lětušu jězbu wot srjedy do soboty, 6. do 9. meje, do Lutheroweho města Wittenberga a wokoliny. Wobhladamy sej tam město, hrodowu a měščansku cyrkej a Lutherowy dom. W Gräfenheinenje podamy so na slědy ewangelskeho kěrlušerja Paula Gerharda a wobhladamy sej Ferropolis, město ze železa. Pojěždžemy tež do Oranienbauma a Wörlitzskeho parka. Nimo toho wopytamy Dessau ze swojim Bauhausom a město Torgau. Na kóždym městnje změjemy wěcywustojny přewod. Wšitcy zajimcy su na tutu kubłansku jězbu wutrobnje přeprošeni a měli so w zarjedže SŠT, telefonowe čisło (0 35 91) 55 02 14, abo pola mje, telefonowe čisło (0 35 91) 53 24 33, přizjewić.

Měrcin Krawc